

Акафист священномученику Иоанну, пресвитеру Царскосельскому



Кондак 1

Избранному первомученику Церкви Российския в годину лютых гонений от безбожников убиенному, венец нетленный от Господа Вседержителя приявшему и вся ны своею смертию ко истинней любви наставльшему со дерзновением и надеждою предстательства небеснаго

взываем: радуйся, священномучениче Иоанне, пастырю Села Царскаго и первомучениче Церкви Российския.

Икос 1

Ангел с небесе послан бысть сохранятьи тя от пагубных запинаний лукаваго, священномучениче Иоанне, егда принесоша тя ко святей купели духовныя сродники твоя. Бысть же тогда на Руси времена мирныя, и никтоже весть тайну убиения твоего и мученическаго к Богу отшествия. Токмо страж небесный, послушание Божие исполняя, измлада руководяше тя незримо к венцу страстотерпческому. Сего ради, таковому о тебе Божию промышлению дивящися, воспеваем сице:

Радуйся, землю Рязанскую рождением своим освятивый;

Радуйся, Иоанном, в честь Крестителя Господня, нареченный;

Радуйся, кончину мученическую приявый, якоже и покровитель твой небесный;

Радуйся, рождением своим родителей своих обрадовавый;

Радуйся, пастыря сельскаго чадо благонравное;

Радуйся, в законе Господнем измлада воспитавыйся;

Радуйся, трудолюбию и простоте отцем наученный;

Радуйся, веру и благочестие матере своея унаследовавый;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 2

Вида Сердцеведец Бог душу твою, теплою любовью к Нему исполненною, постави тя на высокий степень священства и многотрудный путь служения пастырскаго. Ты же изначала стопы своя направи во страну дальнюю, идеже многих ко Христу приводил еси, научая неверныя и иноверныя воспевати всеблагому Просветителю душ человеческих: Аллилуиа.

Икос 2

Разумев место, уготованное тебе Богом для трудов проповеди Евангелия, оставил еси любезное отечество свое, дом свой и ближния своя, не пекийся ни о славе, ни о богатстве мира сего. Таковому самоотречению твоему дивящися, воспеваем ти сице:

Радуйся, дом и отечество ради дела Господня оставивый;

Радуйся, яко вся красная мира сего во уметы вменил еси;

Радуйся, избравый добровольно тяготы служения на чужбине;

Радуйся, любовь Христову в служении сем приобретающий;

Радуйся, апостолу Павлу подражавый;

Радуйся, креста проповедническаго не утрашивыйся;

Радуйся, свыше приявый духа мужества и дерзновения;

Радуйся, ревнителю Православия, просветителем древним единоправный;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 3

Силою Божию свыше укрепляем, священномучениче Иоанне, утверждал еси веру православную во Америке иноверной и явился еси последователь преподобнаго Германа Аляскинскаго, приумножая виноградник Божий на ниве Алеутской. Светильник свой никогдаже, пастырю добрый, угашал еси, уныние премудро низлагая и во всех обстояниях скорбных навывая приносити Господеви смиренную песнь: Аллилуиа.

Икос 3

Имея воистинну, священномучениче Иоанне, велию и искреннюю любовь к малому стаду твоему, храм во имя Пресвятыя Троицы во граде Чикаго возвел еси. Сего ради радовашеся благодарная паства твоя, и немолчно славляху предивнаго Бога, щедраго в милостех Своих, взывая ти сице:

Радуйся, храмоздателю, о славе Божией усердно пекийся;

Радуйся, о людех твоих, яко отец о чадах, заботивыйся;

Радуйся, труды ко трудам прилагавый;

Радуйся, проповедь Евангелия со воздвижением храма Господня благополучно сочетавый;

Радуйся, мзду от Господа за труд свой справедливо приявый;

Радуйся, действием Духа Святаго на дела Божия вдохновленный;

Радуйся, честнаго пастырства образе и правило;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 4

Буря помышлений сумнительных найде на тя, Иоанне священномучениче, егда тестю твоему, в болезнех и недужех лежащу, заваху тя южики твоя во отечествие вернуться. Ты же уведел еси во призыве сем волю Господню, о тебе тако промышляющу, повинулся еси гласу сродник твоих и, Иоанну Кущнику подобясь, на родину возвернулся еси, Господеви поя: Аллилуиа.

Икос 4

Слышаша ближнии твои возвращение твое с радостью сретяху тя. Ты же, мало утешився, паки возложил еси руке свои на плуг сеяния слова Божия, во граде Нарове водворяясь во исполнение новаго послушания церковнаго. Сего ради прими от нас похвалы сицевыя:

Радуйся, воле Господней научивыйся повиноватися;

Радуйся, желаний своих умевый отрешатися;

Радуйся, исполнь послушание Богови безропотно и недосадливо;

Радуйся, и нас следовати хотению Небеснаго Отца наставляяй;

Радуйся, выю свою под ярем заповедей евангельских подклонивый;

Радуйся, легкое бремя учения Христова в житии твоём носивый;

Радуйся, помысл тщеславия иществием на новое место служения низложивый;

Радуйся, избежавый хвалы от человек исходом из места, идеже имя твое прославися;

Радуйся, священномучениче Иоанне, пастырю Села Царскаго и первомучениче Церкви Росийския.

Кондак 5

Богомудрым учением Завета Новаго души учеников твоих питал еси, трудяся неустанно, дондеже вообразится в сердцах их сладчайшее имя Господа Иисуса. Просвети убо и наша очи сердечныя, отче наш Иоанне, да возсияет и в них любовь Божия, страсти греховныя попадающая и от сладости мирскаго жития отрешающая, во еже чистосердечно пети нам Богови ангельскую песнь: Аллилуиа.

Икос 5

Видя Промыслитель Господь, вся на пользу рабам Своим строяй, яко законоучительством велий плод принесен будет душе твоей и Церкви Христовой, постави тя учителя Закону Божию гимназий наровских. Ты же терпением, снисхождением и любовию растворял еси слово твое о Бозе, священномучениче Иоанне, исполняя заповедь Христову: &»Смотрите, не презрите единого от малых сих&«. Не презри убо и нас, пастырю добрый, но умножи в нас веру твоими к Богу ходатайствы, да с благоговением взываем ти сице:

Радуйся, наставниче отроком малым в законе Господнем;

Радуйся, чад малых ко Христу заботливо приводивый;

Радуйся, веру, любовь и надежду в них умножавый;

Радуйся, страху Господню их научаяй;

Радуйся, на стезях спасения стопы их утверждаяй;

Радуйся, на камени заповедей евангельских душевный дом их устрояяй;

Радуйся, и сам незлобию и простоте у них учивыйся;

Радуйся, назидавый их ко храму Божию выну прилеплятися;

Радуйся, священномучениче Иоанне, пастырю Села Царскаго и первомучениче Церкви Росийския.

Кондак 6

Проповедию Евангелия и учением отроков непрестанным ум твой в Боге неподвижно утвердил еси, священномучениче Иоанне. Уже бо приспе время убиения твоего, сего ради приведе тя Господь Путеводитель в Село Царское, идеже уготова ти венец мученический, егоже на главе своей носиши, выну поя Ему: Аллилуиа.

Икос 6

Возсия в годину гонений лютых свет велий новомученик российских от Христа Спаса нашего. Обаче тебе, священномучениче Иоанне, повеле Господь первым прияти смерть от руки нечестивых во еже положити начало крепкаго стояния за истину Божию. Сего ради прими от нас похвалы сицевыя:

Радуйся, за веру православную и Церковь Христову смерть вкусивый;

Радуйся, лику мученическому сопричисленный;

Радуйся, даже до пролития крове своея подвизавыйся;

Радуйся, Господом на высоту страсотерпчества поставленный;

Радуйся, тело убивающих не утравивыйся;

Радуйся, до конца долг свой пастырский исполнивый;

Радуйся, путь свой земный евангельски совершивый;

Радуйся, первострадальче новомученик русских;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 7

Хотя утешити души смятенныя и умирити сердца, ненавистию помраченныя, крестным ходом по Селу Царскому шествовал еси, отче Иоанне, моля Господа о сущих во вражде. Но не укротися ярость зверская и не восхотеша безумнии злобу свою оставити и воспети Господеву: Аллилуиа.

Икос 7

Новаго предстателя о Церкви Российстей сотвори ты безбожники, Иоанне мучениче, егда убиваху ты на окраине града твоего. Измышляше бо нечестивии веру православную извести на Святей Руси. Погибе память их с шумом, имя же твое на небеси сияет паче света солнечнаго и на земли от чад Церкви Русския прославляется похвалы сицевыми:

Радуйся, предстателю о нас пред Господем непостыдный;

Радуйся, молитвенниче о чадах твоих дерзновенный;

Радуйся, ходатаю о Церкви Российстей, Богом избранный;

Радуйся, в скорбех наших помощниче и в бедах заступниче;

Радуйся, болящих и страждущих услышателю скорый;

Радуйся, воздыхания наша приемляй и к Богу скоро возносяяй;

Радуйся, щитом молитв твоих от напастей нас ограждай;

Радуйся, чтущим святую память твою покрове благодатный;

Радуйся, священномучениче Иоанне, пастырю Села Царскаго и превомучениче Церкви Российския.

Кондак 8

Странник и пришелец был еси в жизни временней, священномучениче Иоанне, живой во отдалении от любезнаго отечества твоего. Егда же совершился вселение твое во град Царскосельский, то и тамо пристанища земнаго не обрел еси, но абие мученическую смерть приял еси, шествуя к месту упокоения вечнаго и Господеви поя: Аллилуиа.

Икос 8

Весь народ православный ужасом и скорбью объят бе, егда распространися весть о убиении твоем, Иоанне пресвитере. Сие бысть началом междоусобия страшнаго и кровопролития небывалаго. Сие же бысть и началом великия славы Церкви нашея, кровьми новомученик украсившейся, еяже и ты, иерею царскосельский, причастником явился еси. Сего ради вопием ти таковая:

Радуйся, на родину возвративыйся, во еже приобщитися чаше страданий Господних;

Радуйся, ризы своя убеливый белилами мук телесных;

Радуйся, агнче незлобивый, волками свирепыми на заклание уведенный;

Радуйся, от грех своих кровию совершенно омовенный;

Радуйся, ранами твоими вшедый во Святая Святых Иерусалима горняго;

Радуйся, священное начало Голгофы русския;

Радуйся, звездо путеводная, светом спасительным сияющая;

Радуйся, заре благодати новомученик российских;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 9

Всем благонравным житием твоим привлекл еси к себе велию благодать мученичества, Иоанне пресвитере. Навыкл бо еси измлада прилепятся Богови сердцем твоим, страстотерпче чудный. Научи убо и ны, недостойныя, искати паче всего Царствия Божия, презирати же преходящая и тленная, воспевая во умилении Господеви; Аллилуиа.

Икос 9

Ветии многовещаннии не возмогут по достоянию славу святых изобразити. Смиранный же ум наш тщится проникнути в тайну убиения твоего. Житие твое нескверное, священномучениче Иоанне, аще и потаено бысть, не возможно от Бога утаитися. Сего ради приведе тя Господь к венцу страстотерпца новаго и содела тя входом новомученик российских. Приими убо от нас похвалы сицевыя:

Радуйся, в житии твоем тепле и умиленне Богу моливыйся;

Радуйся, дух сокрушен и сердце незлобивое имевый;

Радуйся, во днех твоих покаянию навикнувый;

Радуйся, сребролюбия и гордыни избежавый;

Радуйся, чистоту, воздержание и целомудрие хранивый;

Радуйся, душу имый прямую и побуждения добрая;

Радуйся, к ближнему твоему соучастливость и сострадание приобретый;

Радуйся, служение у престола Божия совершавый истово и благоговейно;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 10

Спасти хотя многия и всех обращение терпеливно ожидаяй премилосердый Бог, сотвори тя, Иоанне пресвитере, с прочими новомученики ходатаи за землю Русскую. Молитвы ваша многия души из тмы извлекают и на путь спасения поставляют. Ублажаем и почитаем вы, яко незримыя виновники нашего избавления и поем о вас Богу: Аллилуиа.

Икос 10

Стена еси тверда всем прибегающим к тебе, отче наш Иоанне. Обрел бо еси любовь, о нейже писано есть, яко &»любы долготерпит, всему верит и всего надеется&«, и паки &»не любяй бо брата пребывает в смерти&«, и паки &»совершенная любы вон изгоняет страх&«. Удивися многия молитвенному бесстрашию и дерзновению твоему и воспеша ти похвалу сицевую:

Радуйся, о гонителех своих к Богу вопиявый;

Радуйся, их братией своей нарицавый;

Радуйся, крестным ходом тех вразумления искавый;

Радуйся, сего ради растерзание хищное от нихже и претерпевый;

Радуйся, имиже оклеветанный и на смерть жестокою уведенный;

Радуйся, образе неповиннаго злострадания;

Радуйся, яко прочее ни болезни, ни муки не коснешися;

Радуйся, яко со святыми вечно радуешься;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 11

Пение ангельское распространися в Царском Селе во времена поганых воцарения, осквернивших землю Русскую. Егда убиваху тя безбожнии хулителие, копронимы новыя, тогда небеса възграшася, приемлюще во обители горния душу твою непорочную, о, пастырю наш Иоанне. Сие же все бысть, да освятится перее всего Село помазанника Господня, Самодержца чистаго, убиением иерея простаго, яко да и нам почитати место сие молитвенным отсюду к Богу зыванием: Аллилуиа.

Икос 11

Светозарный луч благодати новомученик озари тьму кромешную, на Святей Руси воцарившуюся. Сие бысть и первое знамение милости Господней, яко не до конца отрину Всевышний народ Свой, но вдаде и наказанию, да покается, да вразумится, да очистятся людие Его, и да восполнится со временем Церковь Русская, во еже и на будущее время светити Ей всему миру спасительным светом Православия. Темже вопием первомученику царскосельскому таковая:

Радуйся, страстотерпче доблестный, к жизни во Христе нас призывай;

Радуйся, кончиною своею крест Господень чтити нас научай;

Радуйся, кровию своею мученическою ко исправлению нрава своего нас побуждай;

Радуйся, высотой подвига своего к покаянию нас непрестанно зовый;

Радуйся, страдальче честный, стражем Православия в стране нашей от Бога учиненный;

Радуйся, евангельской Истины свидетелю добропобедный;

Радуйся, волков душегубительных от овец стада Христова отгоняй;

Радуйся, Церкви наша охрано от ересей, расколов и лжеучений;

Радуйся, священномучениче Иоанне, пастырю Села Царскаго и превомучениче Церкви Российския.

Кондак 12

Благодати страдальцев Господних, кровь свою за Христа проливших, непричастна бысть Церковь во отечестве нашем. Вемы, яко непрестанная гонения, в нихже Церковь Вселенская родися, не коснуся изначала Церкви Русския. Но не минуше Ея общая судьба Православия, востече бо и Та в годину лютую едином путем ко Христу Своему, вопия Ему: Аллилуиа.

Икос 12

Поюще подвиги мученическия, ублажаем соузников Христовых, на нихже слово Его исполнися: &»Возложат на вас руже и изгонят вы&«. Сие определение Божие неуклонно повсюду соблюдашеся со времен апостольских. Подобаше бо и Церкви Российстей внити в час

испытания своего, иже проби в Селе Царском убиением Иоанна, иерея храма соборнаго, емуже глаголем сице:

Радуйся, яко ты и без числа убиеннии вси концы земли нашея освятили есте;

Радуйся, яко не токмо своя, но и грехи соотечественник своих кровию своею омыли есте;

Радуйся, яко страдания твоя и всего сонма новомученик взыдоша фимиамом благоуханным превыше небес;

Радуйся, основание крепкое нынешнего умножения веры на Руси;

Радуйся, яко жертвою твоею и собратий твоих, повсюду мучившихся, приклонися к нам на милость Творец всяческих;

Радуйся, сокрушивый тьму безбожия и неверия приятием фиала гнева Господняго;

Радуйся, яко тебе ради и всех, на крест возшедших в годину лютую, возсия днесь заря просвещения новаго;

Радуйся, судьбу свою соединивый с судьбою избранных сынов Церкви Русския;

Радуйся, священномучениче Иоанне, пастырю Села Царскаго и первомучениче Церкви Российския.

Кондак 13

О, новомучениче и страстотерпче Христов всечестне, Иоанне, пастырю царскосельский! Приими убогое пение от нас, недостойных, чтущих святую память твою, и избави нас молитвами твоими от бед настоящих, паче же от вечныя смерти, да достигнув обителей небесных, и мы с тобою и всеми святыми воспевати будем Богу вечно: Аллилуиа.

Этот кондак читается трижды, затем икос 1 и кондак 1.